

**Meerarsiat meeqqat allat assigalugit feriarnissaminut, ilaqtariittullu inuunissaminut periarfissaqarnissaat qanoq sulissutigisinnaaneripput pillugu, apeqquteqaat aallaavigalugu oqallinnissamik siunnersuut**  
(Inatsisartuni ilaasortaq Pipaluk Olsen, Demokraatit)

**Akissuteqaat**

(Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoq)

**Siullermeerneqarnera**

Inatsisartunut ilaasortaq Pipaluk Olsen, Demokraatit, qujanaq sammisaq pingaarutilik manna oqallisigiumagakku.

Naalakkersuisut Ilaqtariittut paarsisartut, meeqqat inuunerannut, amerlasuunut aalajangiisuusumik sunniuteqarluinnartuusartutut inisisimasuuneri isumaqatigilluinnarpaat. Ilaqtariittut paarsisartut angerlarsimaffitsik ammaraangamikku suliassat piumasaqaatillit inuiaqatigiinnullu pingaarutilerujussuit, angajoqqaajusut sinnerlugit suliarilertarpaat, meeqqanut inuusuttuaqqanullu angerlarsimaffigisimasaminni toqqissisimanangitsumik, pissusissamisunnigsumillu atugaqartitaasimallutik inisisimasunut, angerlarsimaffimmik toqqissisimanartunik pilersititsisarput. Taamaattumik aalajangiisorujussuuvoq angajoqqaarsianut aamma ilaqtariinnut paarsisartunut, siammasissumik pitsaasunik atugassarititaasut akuersaarneqarsinnaasut qulakkeerneqarnissaat.

Taamaattumik Naalakkersuisut taakku ineriartorteqqinnissaanut annertuumik soqutiginnipput, aamma ilaqtariinnut paarsisartunut suliniutinik tapersersuisunik, ilaqtariinnut paarsisartut atugassarititaannik pitsaasumik avatangiiseqarnissaanik siunertaqartumik suleqataanissaminut Tassunga atatillugu kommuninit aallartitanik ataatsimeeqateqateqarnissara pilersaarutaavoq, qanoq ililluta ilaqtariit paarsisartut atugassarititaannik pitsanngorsaasinnaanersugut ammasumik oqaloqatigiissutigerusullugu.

Ilaqtariinnut paarsisartunut sulinngiffeqarlutik angalasussanngorlutik immikkoortitsinngitsumik meeqqamik angalaqarteqarsinnaaneranut tunngatilluguinatsit atuuttut malinneqartariaqartarput , meeqqat atugarissaarnerannut, attaveqarneranut aamma aalajaanneranut sulinngiffeqarluni angalaqatigiinnerup ataqatigiinneq meeqqamut pitsaasumik kinguneqartartoq ilisimasanut ilaavoq, tamannalu pingaaruteqartoq. Maannakkut Ilaqtariit paarsisartut pillugit (Namm. Oqartussat nalunaarutaat nr. 13 10. oktobari 2019-imeersoq) §15 kommune aamma ilaqtariit paarsisartut ataatsimoorlutik sulinngiffeqarlutik angalasinnaanerit pillugu isumaqatigiissuteqassasut. Inatsisartut inatsisaanni nr. 20 26. juuni 2017-mittaaq allaqqavoq inatsimmi § 2-mi tamanna takuneqarsinnaavoq inatsit malillugu aalajangiinerit meeqqamut ajunnginnerpaasusaaq aallaavigalugu aalajangiinnermi toqqammaviusassasoq. Tamatuma nassataraa meeqqat paarineqartut sulinngiffeqarluni angalaqataasinnaaneranut tungasut meeqqamut ajunnginnerpaajusut tunngavigalugit, naliliinermik aaliangiinerit tunngaveqassasut.

Naalakkersuisut ilisimavaat, ullumi kommunit akornanni suleriaatsit assigiinngissinnaasartut, tamannalu inatsit tunngavigalugit pisartooq, aamma tamanna atugassarititaasunik assigiinngiiaartunik pilersitsisinnaasoq. Sinaakkutissiani, akiliunneqarluni feriarnermi aqqissuussaaneq matumani ajornanngippat, assigiiaarneq aamma ersarissuseq pilersinniarlugu sakkugineqarsinnaavoq, aamma tamanna ilutigalugu ilaqtariit paarsisartut tapersersorlugit

periarfissillugit, meeqqamik paarsaminnik peqateqarlutik sulinngiffeqarnermi angalasinnaangorlugit. Kisianni Naalackersuisut nalilerpaat, meeqqanut angerlarsimaffiup avataannut inissinneqartariaqarsimasunut akisussaaffik annertoq, pisortanit aamma tigummineqartartoq, taamaammallu nakkutilliilluta aamma pisussaaffeqarnitsinnut ilaasoq meeqqap atugarisaanik malinnaaqqissaarnissaq.

Meeqqamut pitsaanerpaaq anguniarlugu sulinngiffeqarneq piviusumik aamma immikkut suliatigut nalilersuinermik sulinngiffeqarluni angalaqataatissallugu aalijangiineq tunngaveqassaaq. Meeqqap qanoq innera, pisariaqartitai aamma atassuteqaatai tamarmik assigiinngillat, aamma aaliangiinermi, meeqqap atugarissaarnera, toqqissisimaneralu aaliangiinermut tunngaviulluinnartuusassaaq.

Taamaattumik Naalackersuisut ammasumik aamma pitsaasumik oqaloqatigiilluarnermik, susassaqarfimmi malittarisassat qanoq ineriartortinneqarsinnaaneranut tunngasut ammaffiginiarpaat, sinaakkutit pitsaanerusut aamma assigiiaarnerusut pilersinneqarniassammata, ilutigalugulu pisarialimmik suliatigut nalilersuisarneq sungiussiassuserlu pigiinnarlugit.

Taamatut oqaaseqarlunga sammisaq pingaarutilik pillugu oqallittoqarlunissaanut Naalackersuisut qilanaarput.